

Skógarvörðurinn á Norðurlandi,

STARFSSKÝRSLA FYRIR ÁRIÐ 1940.

Einar G. E. Sæmundsen.

Starfsskýrsla skógarvarðarins á Norðurlandi fyrir árið 1940.

S k ó g a r h ö g g:

Í Vaglaskógi var höggvið á árinu:

Til eldiviðar	818	hestburðir
Til kolagerðar	410	"
Staurar 1007 stk.	20	"
Efniviður 1754 fet	30	"
<u>Alls</u>	<u>1278</u>	<u>hestburðir</u>

Grisjað var allt svæðið frá Klettlæk suður að Beitarhúsalek. Farið upp að götum (Beitarhúsað) að ofan en niður á brúnir að neðan. Svæði þetta var yfirleitt vaxið lélegum skógi. Bar all víða á fúnum spildum og skemdum. Ungviði er þó á stórum svæðum og er jafnvel búið að ná eldri skóginum að hæð á köflum og er mjög þétt. Þessi ungskógur hefir vaxið upp síðan beitarhúsine voru lögð af. Var grisjað þarna mjög varlega og má búast við mjög góðum vaxtar árangri, því yfirleitt er þetta ungvíði mjög beinvaxið og kröftugt.

Einnig var grisjuð spilda milli Brandhúsagrófar og Bjarkarlundsvegar ofanverðs. Var það mest allt lélegur skógur, fúinn og feyskinn.

Í norðurskóginum var grisjuð brekkan ofan neðri vegar frá hliði og allt inn undir Kumblaflöt. Einnig var tekið nokkuð úr jöðrunum neðan vegarins og í Vothamramó var grisjuð allstór spilda. Þá var og grisjuð að við Stórarjóður. Var brekkan ofan við rjóðrið sérstaklega illa farin bæði brotið af snjó og fallið úr elli.

Í norðurskóginum nær því öllum horfir nú til stórra vandræða, þar sem nýgræðingur á svo erfitt uppdráttar að hann varla sést og gömlu tré farin að fella af á stórum svæðum. Orsök þessa ástands er fyrst og fremst of mikill grasvöxtur. (En hann stafar ef til vill af óheppilegri grisjunaraðferð fvr á árum). Síðastliðið haust var gerð tilraun í þá átt að flýta fvrir myndun nýgræðings á slíkum svæðum. Var grassvörðurinn inn rifinn upp með plöntuhaka svo að fræ gæti fest þar rætur. Fræ var töluvert á skóginum og honum ætlað að sá sjálfum. Ef til vill væri heppilegra að rista í grassvörðinn að vorinu og sá bá um leið, en reyningin mun skera úr því.

Tilraunin var gerð á tveim stöðum í brekkunni innan hliðsins á neðri braut og í Kúalág upp af efribraut. Þar voru og felldir víðihólmur sem mjög stóðu öllum birkinýgræðing fvrir þrifum. Var víðirinn fluttur út á melinn innan efribrautarhliðs.

Í Sigríðarstaðaskógi voru höggvin 19 tonn eldiviðar.

Kolagerð:

41 tonn viðar var notað til kolagerðar og sviðnir úr því 31 ofn, sem úr fengust 5580 kg. viðarkol.

G i r ð i n g a r:

Vaglagirðingin var lagfærð á tveim stöðum á suðurálmum. Einnig var riðið á milli nets og gaddavírs sunnan frá bæ og ofan í á. Öll girðingin um Sigríðarstaðaskóg var tekin upp og endurbætt, var einnig bætt við álmurnar upp til fjalls, bæði að sunnan og norðan. Þá var og lagfrærð girðingin um Grundarreitin.

V e g a g e r ð:

Lagður var vegur suður yfir Klettlæk um Bensarjódur og við hann tengdar tvær brautir ofan af Beitarhúsagötum sem gerðar voru bílfærar frá Vöglum. Liggur önnur brautin niður lágina næstu sunnan Klettlækjar en hin ofan með Beitarhúsatúni að norðan og þar niður eftir lág og um Bensarjódur. Hvorug þessara brauta er þó fær á bíl nema ofan í móti.

Lagfærð var brautin frá Vöglum ofan að Bjarkarlundi. Vegur var ruddur úr Hróarsstaðanesi (Klaufinni) út í Stórarjódur. Kerruðar braut var gerð um Vothamramó.

Borin var möl ofan í efribraut allt utan frá hliði og inn fyrir Kúalág, og einnig utan hliðs. Þá var og borið ofan í hjá Síamannabústaðnum og í alla álmuna upp að Vöglum, ásamt suttum spottum um allan skóg þar sem þörfin var mest.

G r æ ð i r e i t u r:

Vorið 1940 var afhent úr reitnum:

birki	2.317 stk.
reynir	1.150 -
ribs	4 -
lerki	1 -
víðir	2 -
Alls	<u>3.474 stk.</u>

Sáð var nátt. 2 kg. birkifræ, en það spiraði mjög illa, aðeins ein og ein planta. Sl. haust var sáð reyniberjum í nokkur beð en vafasamt tel ég að nokkuð komi upp af þeim, því músagangur var svo mikill að þótt frá öllu væri gengið að kvöldi, beðin þakin o. s. frv. höfðu mýsnar gert það, mikinn usla að morgni að ekki var því líkt að sáð hefði verið. Tel ég vafalaust að líkt muni hafa farið fyrir reyniberjunum í fyrrahaust, í þeim beðum sem engin planta sást í í vor.

Dreifplantað var:

birki 2/o	9.770 stk.
reynir 3/	1.292 -
fura 3/o	1.600 -
Alls	<u>12.662 stk.</u>

Byggingar:

Reist var einlyft hús milli fjóss og hlöðu annarsvegar en gamla íbúðarhússins hinsvegar. Er það úr steinsteypu með tvöföldum reiðing í útveggjum sem einangrun. Stærð þess er 5 X 7 m. Er kjallari undir með steinsteypu skilrúmi en skilrúm á hæðinni eru úr timbri, loft er all rúmgott yfir. Á hæðinni eru forstofa með stiga upp á efrihæð, eldhús, salerni og snyrtiklefi og stigi ofan í kjallara. Þakið er járnklætt einnig var þakið á gamla íbúðarhúsinu járnklætt. Skolpleiðsla var lögð frá húsinu suður í gróf, voru notuð steinsteyptrör hið fyrsta en síðan opinn skurður.